

P U K E N E M W E N I N

FAMINI

P U K E N E M W E N I N

FAMINI

För meren
Ewe Mwichefenin Jises Kraist ren Aramas
mi Pin non Fansoun Soponon
Salt Lake City, Utah

© 1992, 1999, 2001, 2006, 2011 seni Intellectual Reserve, Inc.

Meinin a kapunguno

A för non ewe United States of America

Kapungunon non fosunn Ingenes: 2/06

Kapungunon non chiakun: 2/06

Chiakun non *Family Guidebook*

Chuukese

Masowan

“An ewe Famini: Esinesin Ngeni ei Fonufan”	iv
Popun me Kokotun ewe Famini	1
Osukuna ewe Kapas Allim non Imw	4
Wisən Ekkewe Pristut	12
Mwichen Kaeo ren Nouwis	15
Famini pwan eu Mwichefen	16
Pwisin Annukun Pristut me Efeioch	18
Kaworen Pisekin mwichefen me Kutten Porousen Uruon Famini	26

“An ewe Famini: Esinesin ngeni ei fonufan”

Non 1995, ewe Aewin Presetensi me Mwichen ewe Engon me Ruemon Aposel ra wau “Ewe Esinesin An Famini ngeni ei fonufan. Ei esinesin ren kapungunon ewe ennetin annuk me föfför ekkewe soufos ra eniwini ne apasa non unusen ewe uruon ewe mwichefen. Afen masou ren nongonong epwe namot ngeni ewe pwapwan me murinon meinisin famini. Chon non famini repwe kaeo ewe esinesin repwe pwan manaueni ewe nongonongen manau.

“Kich ewe Aewin Presetensi me ewe mwichen Engon me Ruemonen Aposenen Ewe Mwichefenin Jises Kraist ren Aramas mi Pin Fansoun Soponon. Ennetin pwäratä pwe pupunu nefinen emon mwan me fefin iei annukun Kot. Me ewe famini popunapen an ewe Chon forata ewe kokot faniten ewe kokotun fetanin manauen emon me emon noun kewe feinfeino chok.

“Meinisin aramas—mwan me fefin—ra för non ununun Kot. Emon me emon mi achengicheng naaw non ngun noun ekkewe sam me in won nang, usun chok, emon me emon a wor an manaman mi auchea me met ururun epwe fis non manauan, me en emon met mwan ika fefin ina ew mettoch mei auchea ren emon ren ewe manau me mwen ei manau, pwan ei manauen fituk, me pwan ewe popun me afatafaten io me io feinfeino chok.

“Non ewe manau akom mwan ei manau won fonufan ir noun at me nengin non ngun ir ra sinei me pin ngeni Kot usun semer fochofoch me etiwa An we kokkot pwe noun kewe repwe tongeni wor futu-ker me chaar me epwe watteno ar sinei won ei fonufan pwe epwe naponu unu-sechun me pwan saponon repwe sinei usun fetanin manauer mi pin usun wiser non manau ese much. Ewe kokkoten

pwapwa mi pin a atufici nefinen famini ar repwe tongni sotosopono murin ma-no. Annuk mi pin me pwon a wor non tempel a föri an epwe tufich an emon aramas epwe tongeni niwiniti fan mesen Kot me famini ar repwe pwan ew sefan feinfeino chok.

“Ewe aewin annuk Kot a ngeni Atam me If a akkawenewen ngeni ar tongeni ar repwe föri wiser ren ar repwene wini-ti sam me iin usun pupunu. Sia fen afata pwe an Kot annuku ngeni noun kewe pwe repwe nounoutiw repwe pwan amasowa sefani nusun ei fonufan non ar atures. Sia pwan afata pwe Kot a fen apasa non pochokunen an nemenem pwe ewe monomon mi pin ren aupatiw semirit a chok fis nefinen mwan me fefin, ra apupunu fan annuk.

“Sia apungano wewen ewe manauan fituk ewe a föruta pwe epwe kefinita non pin. Sia apungano me pwäratä ewe auchean manau non an Kot we kokot ese much.

“Ew pupunu a wor ew wesewesen wiser repwe tong me tumunu emon me emon neir me nour semirit. Semirit iei niffa-ngen ewe Samon (Psalm 127:3) Sam me iin a wor wiser mi pin ngeni ar repwe tumunu nour kewe semirit non tong, me wenechar ngeni kaworen ar aninisin aion

me ngun, ren ar repwe aitor ar repwe sinei tong me anisi emon me emon me apoueta an kot kewe annuk me Chon opoueta ekkewe annuk ian ra nonomia. Ekkewe pupunu mwan me fehin, lin me Sam repwe uwei maratan mwen mesen Kot ren katoun ekkei kokkoten wis.

“Ewe famini a epinipin me ren Kot, pupunu nefinan mwan me fehin mi namot ngeni an we kokot ese much. Semirit ra tongeni repwe uputiw non ewe ririn apupunu fiti riri fengenin ewe pwon, me mamarita seni emon sam me emon iin ewe a aucheani ewe pwonon pupunu fiti unusen wenechar. Pwapwan non manauan famini usun napengeni a kan wor nupwen ewe famini a poputa won ewe asukunen usun manauen ewe samon Jises Kraist. Ponuetan pupunu me famini ra sopusopono me fis won nongonongen nuku, iotek, aier, omusano, sufon, tong, nukuchar, angang, me unusen mokutukut ren pekin urumot. Seni napanapechun forun, sam repwe neme ni unusen ar we famini non tong me wenechar me ra wisan awora ekkewe

mettoch mi auchea ngeni manauer me tumunun ren ar kewe famini. Akkaewin wisen inenap ren apochokuna na tumunu nour kewe semirit. Non ei wis mi pin, sam me iin wisar repwe anisi fengen usun mi chok nonopok wisar. Terin inis, mano ika ekkoch napanap epwe namot an emon aramas epwe ekkesiwin.

“Sia fen esine ngeni kemi pwe emon me emon ekkewe ra atai ar kewe pwonon nimenimoch, ekkewe ra awata punuer ika nour, ika ekkewe rese opoueta wisar non famini, ew ran repwe utta mwen mesen kot o angei niwinin ar tipis. Sia esine ngeni kemi pwe ewe imu fesen non kinikinin ewe famini epwe watto ngeni emon me emon, neni, me muu ewe watten osupwang afen kapas usun seni soufosen noom me ikenai.

“Sia akokkoi aramas murinno me nouwisin muu ekis meinisin ar repwe anapano ekkewe angangen esisinen kaukun apochokunen famini pwe ina ewe popun kinikinin choo. (*Ensign*, November 1995, 102)

Popun me Kokotun ewe Famini



Ewe kokotun

Ewe faminiiei ewe popun kinikinin Ewe Mwichefenin Jises Kraist ren Aramas mi Pin non Fansoun Saponon me ewe wesewesen auchean mwichen kinikin non fansoun me fochofoch. Kot afen föri famini pwe epwe watto pwapwa ngeni Noun kewe, mut ngenir ar

repwe kaeo nongonong mi pung non napanapen tong, me ammonarata ren manau ese much.

Non imwach ina ewe neni murino na asukuna, kaeo, me appiru ekkewe nongonongen ewe kapas allim. Ikkewe ie emon me emon repwe kaeo ngeni ar repwe awora ekkewe möngö, uf, imw, me ekkoch mettoch mi namot ren ar osupwang. Ewe sam me iin, repwe chok nönö non wisar, repwe anisi emon me emon Chon ewe famini:

- Kutta ewe ennet me awatteno nukunuk non Kot.
- Aier seni tipis, kopwe paptais ren omusomusen tipis, winiti emon Chon ew Mwichefenin Jises Kraist ren Aramas mi Pin non Fansoun Saponon, me angei ewe Ngun mi Fel.



- Aneasochisi an Kot kewe annuk, kaeo ekkewe pukfel, awora om pwisin iotek iteitan ran me anisi ekkoch.
- Afanafana ewe kapas allim ngeni ekkoch.
- Kopwe angei om niffang mi pin me kopwe pupunu non ewe tempel ngeni chechiom epwe nimenimoch fochofoch, föri ew imw epwe pwapwa faniten ewe famini, me anisi ewe famini ren tong me om fangono.



- Kutta usun porousen aramasom kewe ra mano me efisi Efeiochn tempel fan iter.



- Awora ewe fonen ngun, choo, pochokunen inis, me pochokunen memef.

Ewe sam ewe a wisen nemeni ewe famini, wisan epwe aiti ekkewe semirit epwe pwan awora mette kewe ar osupwang. Emon semenap non ei

mwichefen mi tuppon mei pwan tongeni ngeni wisan epwe wor an tufichin tongeni an epwe wor ren ewe pristut, ina epwe manaman me pochokunen angang non iten Kot. I epwe emweni ewe famini non ar amonata ngeni ar repwe niwinsefan ngeni fan mesen ewe Sam non nang. Punuwan we ina ii chiechian we mi auchea, punuwan, we Chon anisi. Pupunu, mwan me fefin repwe poporous fengen neffiner won meinisin osuksouken ewe famini me neimwer.

Ewe sam wisan epwe awora met osupwangen an we famini ren pekin ngun. Epwe nengeni pwe ir mei kaeo ewe kapas allimen Jises Kraist me epwe pwan föri ukukun an tongeni na peser me anisir ar repwe aneasochis an ewe Samon kewe annuk.

Emon Sam mi wor ren ewe pochokunen pristut a tongeni efeioch an we famini pwan anisir ren pekin ngun. Ren ewe pochokunen nemenem seni ewe pristut fitifengen me ewe mumuta seni ewe souemwenin pristut, ewe sam a tongeni:

1. Eita me efeioch semirit.
2. Paptaisi semirit (me ekkoch).
3. Apungano semirit (me ekkoch) Chon ewe mwichefen me efeioch ngenir ewe Ngun mi Fel.
4. Efeioch noun kewe at ngeni ewe Efeiochn pristut (me ekkoch) me seikireta ngeni ofesin ewe pristut.
5. Efeioch me pasini ew sakrament.
6. Epini ekkewe peias.

An ese wor mumuta seni noun souemwenin pristut, Ewe sam a wor ren wis Melkisetek Pristut a tongeni aea ewe oin me efeioch Chon an we famini me

ekkoeh fansoun ra apwangapwang me efeiochr ren ekkoeh fansoun repwe mochen. (Nengeni peich 18–25 non ei puken emwen ren aurour won anapanapen annukun pwisin pristut me efeioch.)

Ewe sam epwe nengeni pwe an we famini mi pochokun non ar fifiti na pachenong non ekkewe unungat kinikinin popun wiser kewe:

1. Pwisin an emon me an ewe famini non pekin ngun me fansoun moneta non mochomochen fansoun.
2. Nounou fengen ewe kapas allim.
3. Uruon famini me annukun tempel ren ekkewe mi manau me ekkewe ra mano.

Ewe iinenap mi chok nönö wiser me ewe sam me ii Chon aninis ngeni punuwan we. Ii a anisi punuwan we na aiti nour ekkewe annuk an Kot. Ika pwe ese or sam non ewe imw, ewe iinenap ii a nemenem non ewe famini.

Ewe semenap me iinenap repwe chok ew non ew popun. Repwe achocho ngeni ar repwe amonata meinisin Chon ar we famini ar repwe niwinsefan ngeni samach won nang. Repwe chok ew non ar angang ngeni met ei repwe achocho ngeni. Ewe Samon afen forata ewe mwichefen ren an epwe anisi sam me in ar repwe aiti me tumunu ar kewe famini.

Nupwen semirit a wor ngeni ewe famini, sam me iin repwe tonger, aitir ewe ennetin ewe kapas allim, me repwe Chon apuru ngeni semirit ren manau wenechar. Semirit repwe kaeo me aponueta ekkewe annuk an Kot. Repwe sufonuiti me aneasochisi semer me iiner.

Ewe pochokunen ewe mwichefen a chok anongonong won famini me emon me emon ekkewe ra manaueni ewe kapas allimen Jises Kraist. Ewe sopesoponon ngeni meni famini a pwapwaiti ewe feiochun ewe kapas allim a watte anongonong won usun ochun ewe sam me ewe iin ren ar weweiti me föri ar kewe popun angang usun semenap me iinenap. Ewe mwichefen ese mochen an epwe ngeni prokram ika wisan sam me iin epwe owosukosuka ika angawarono ika föri ar repwe tumunungaw ngeni met wesewesen wiser kewe.

Popun

Pokiten Samach won Nang a tongei kich, Ii a mochen pwe sipwe tongeni mamarita usun Ii. Ren an epwe anisi kich, Ii a fen ngeni kich ew kokkot ach sipwe appiru a anongonong won annukun ennet mi pin. Ekkewe ra kaeo usun ew kokkot me appiru ren wenechar, ew ran ra tongeni winitu usun Samach won Nang me pwapwaiti ewe sokkun manau Ii a manaueni.

Kinikinin ewe kokkot a fen ngeni kich ach sipwe no seni nang me etto ngeni fonufan. Ikkeie sia angei inisich; kaeo seni ach sinei, me annetata inisich pwe mi nimenimoch ngeni an epwe nomon sefan ren Kot sa annetata inisich pwe kich mi nimenimoch ren ach sipwe pwisin finata na oponueta An kewe annuk (nengeni Abraham 3:23–25; 2 Nifai 2:27).

An epwe anisi kich ach sipwe amona kicheta ren ewe manau ren Ii; Samach won Nang a fen otta kich ngeni ach famini. Non ekkewe annuk me pwon mi pin, ach kewe famini ra tongeni manau sefan ese much.

Osukuna ewe Kapas Allim non Imw



Asukuna ekkewe semirit kirekiroch me Tong

Ewe samon a apasa non pochokunen an nemenem ngeni sam me iin pwe repwe asukuna ngeni nour kewe ewe kapas al-
lim: A apasa:

Ika sam me iin ra nounoutiw non Zion, ika non ew me nein an Zion kewe steik mi kokotech, ewe ese asukunar ar repwe weweiti ewe annukun aiersefan, nuku non Kraist ewe noun ewe Kot mi manau, pwan usun paptais me ewe nifangen ewe ngun mi fen ren iseta paw won mokur nupwen a ier wanu, ewe tipis epwe nonomw won ekkewe in me sam. Epwe iei ew annukun Chon nonomw non Zion ika non ew men nein an Zion kewe steik. Nour kewe repwe paptais ren omusomusen tipisir

nupwen ra ier wanu, iwe ewe paw epwe iseta won mokurer. Iwe ekkewe in me sam repwe asukuna nour kewe pwe repwe iotek me fetan non wenewen fan mesen ewe Samon.

Ren ei epwe tongeni ew annuk ngeni ekkewe aramas ra nonom non Saion, ika non sokkopaten steik non Zion.

Me nour kewe semirit repwe paptais ren omusomusen tipisir fansoun ra wanu ier, me angei ewe nifangen ngun mi fel re watta pour won mokurer.

Me repwe pwan aiti nour kewe semirit na iotek, me ar repwe fetan wenechar mwen ewe Samon (nengeni D&C 68:25–28).

Iin me Sam repwe aiti nour kewe ar repwe kirekiroch me tong, chechemeni

ewe Chon kunö Paul a apasa pwe
“oupwe tumunuochur fan ami fönöör o
ouroureer non ach Samon” (Efisos 6:4)

An Famini Kaeo Ekkewe Pukfel

Sia tongeni usun chok Samach won Nang me pwapwaiti ewe sokkun manau I a manaueni ika chok sia oponueta ekkewe annuk won met ewe feioch a anongonong won (nengeni D&C 130: 20–21). Mwen ach sipwe tongeni apounuweta ekkei annuk, sipwe sinei met ekkei. “Mi weires an emon aramas esapw feiengaw non an esapw wor an chungu och mettoch non netipan. (nengeni D&C 131:6).

Jises Kraist i nouch Chon emwen me Chon ngeni kich annuk. I a sinei ewe an me annuk sipwe oponueta, me I afen akkoko emon me emon kich ach sipwe tapweno murin I a apasa; “Ngang ewe ann, ewe ennet, o ewe manau: Ese wor emon epwe feino ren ewe Sam, ika esapw punun ngang ” (John 14:6) ngeni an epwe winiti usun Samach won Nang me niwin ngeni I. Sipwe wesewesen kaeo ekkewe afanafan usun Jises me appiru. A wor rech ekkewe pukfel an epwe anisi kich ach sipwe kaeo usun ewe manau, ekkewe asukun, me an Jises Kraist kewe annuk.

Ekkewe ruanu puk ewe mwichefen mi etiwa usun pukfel, paipen, ewe Puken Mormon, ewe Annuk me Pwon, me ewe Pearl of Great Price. Ra awewei ekkewe annukun ewe kapas allim me ekkewe nios ach sipwe kaeo seni ren ach sipwe tongeni auk meinis ekkiek, mokutukut, me asukun. Ra anisi kich ach sipwe kaeo usun ewe manau me asukunan Jises Kraist. Ra anisikich ach sipwe sinei

usun manauen Jises Kraist me an kewe afanafan pwan ngenikich ekkewe nios usun ekkewe aramas mi nuku non Kot me aponueta an kewe annuk.

Jises a aiti kich ach sipwe kutta me kaeo ekkewe pukfel (nengeni John 5:39; 3 Nifai 23:1; D&C 88:118).

Famini repwe chufengen na kaeo ekkewe pukfel iteitran ar repwe sinei me appiru ekkewe asukunen ewe Samon. Sam me iin repwe achufengeni ar famini ew fansoun iteitran ren ar repwe anea me poporous fengen won ekkewe pukfel. Emon me emon Chon ew famini ion mi tongeni anea epwe awora ar fansoun tongeni na anea seni ekkewe pukfel



A Emon Chon ewe famini epwe awora iotek mwen ewe anea ewe pukfel me tingorei Samach won Nang an epwe Efeioch emon me emon ar repwe weweweti met ra anea me ar repwe awatteno ar kapasen pwäratä fanitei ekkei pukfel. Famini repwe awora ar iotekin mwirin ar aneani ekkei pukfel.

Non an ekkewe famini repwe aneani me ekkieki ekkewe pukfel, repwe mochen ar repwe winiti usun chok ewe Chon Amanau me ar repwe kuna watten pwapwa me kinamwe non manauer.

An Emon me Emon me An Famini Iotek

Emon me emon kich sipwe kao ach sipwe kapas ngeni Samach won Nang non iotek. I a tongei kich me mochen ach sipwe kapas ngeni I. I a mochen ach sipwe kinisou ngeni ren ach kewe feioch me tingor An aninis me emwen. I epwe anisi kich fansoun sia tingor. Napengeni meinisin iotek a kawor fiti mokurach epwe porutiw me mesach epwe amour fansoun sa fotopuku, mot, ika ukkuta.

Kich sipwe chechemeni ruanu namoten nongonong nupwen sia iotek:

1. Sia poputa ach iotek ren ach kakapas ngeni Samach won Nang sia apasa:
"Samach won Nang . . ."
2. Sia kinisou ngeni Samach won Nang ren ekkewe mettocho a ngeni kich:
"Sia kinisou ngeni . . ."
3. Sia tingorei ren ewe aninis sa mochen
"Sia tingor Rem . . ."
4. Sa asopano ach iotek ren ach apasa fan iten ach ewe Chon Amanau:
"Non iten Jises Kraist, amen."

Ach iotek esapw iteitan epwe fiti meinisin ekkei ruanu tetten, nge aworar non ach ekkiek epwe anisi kich ach sipwe sinei na iotek. Sipwe iteitan poputa me asopwano ach iotek fiti ewe aewin me saingonon tetten nge met sipwe apasa menukanapan epwe anongonong won met sia mefi a auchea. Fan ekkoch sipwe mochen ach sipwe wesewesen ani ach fansoun iotek na kinisou ngeni Samach won Nang. Ren ekkoch fansoun sia mochen na aea ach fansoun na wesewesen iotek na tingorei ren An epwe anisi kich.



An Emon me Emon Iotek

Emon me emon aramas epwe iotek won pwisin an fan ew nesosor me ew neku-nion. Sam me iin repwe aiti nour kewe semirit ar repwe awora ar pwisin iotek usun ar ra keran poputa na fos. Sam me iin ra tongeni aiti nour kewe semirit ifan usun ar repwe iotek ren ar repwe fitir na fotopukutiw me ngenir ar repwe niwowo emon na apasa ew me ew ekkewe mumun kapas. Esap mang ekkewe semirit repwe tongeni tufichin awora ar pwisin iotek.

An Famini Iotek



Meinisin famini repwe awora iotek iteitan ran non famini. Unusen ewe famini repwe fotopuku fengen me ewe sam epwe awora ewe iotek ika tingor emon Chon ewe famini an epwe awora ewe iotek. Epwe kan kawor an meinisin fansoun na iotek. Kukkun semirit ra tongeni repwe angei ar fansoun na nikasiwin fiti semer me iiner ren ar repwe anisir. A men murino fansoun iotek non famini ren fansoun asukuna ekkewe semirit ifan usun ar repwe asukuner me ifan usun ar repwe iotek me asukuna usun ekkewe nongonong ren nuku non Kot, tipetekison, me tong.

Auchean Iotek

Sam me iin repwe aiti nour kewe semirit pwe Kot mi moneta ngeni na ausening ar iotek iteitan fansoun meinisin. Kapach ngeni ar fansoun ren emon me emon me iotekin famini, ra tongeni iotek ren fansoun chok ra mochen ewe auchean aninis ika mochen awewei ar kinisou.

Efeioch ekkewe Möngö



Sam me iin repwe nengeni pwe Chon ar we famini ir repwe sinei na kinisou ngeni Kot ren ener möngö me tingor Ren an epwe efeiochr mwen ar repwe möngö. Emon me emon aramas, pachenong kukkun semirit repwe angei ar fansoun na nikasiwin na awora ewe efeioch. Awora

ewe iotek ren Efeioch ewe möngö a anisam me iin me semirit ar repwe sinei kinisou ngeni Samach won Nang.

Pwinin Famini non Imw

Pwinin famini non Imw än meinisin, paChonong ekkewe rekeran chok pache-fengen na apupunu, ekkewe sam me iin, ekkewe sam me iin mi wor nour nge ese wor punuwer, iin me sam ese wor nour rer non imwer, me ekkewe meimuk rese pupunu non ar mwichen pwinin non imw, me ekkewe ir akkanaemon chok non imwer ika mi wor chiener non imwer. Meinisin ese pwan nifinifin ika met sokkun nonomur, repwe feioch ren ar awora Pwinin famini non imw. Ewe mwichefen ese kan awora och sokkun mokutukutun mwichefen non sarifan pwe famini repwe tongeni chufengen ren pwinin famini non imw.



Ewe Aewin Presetensi a apasa. "Sia pwon ngenikemi ewe watten feioch ika pwe ka appiru an ewe Samon aurour me ka efisi pwinin famini non imwom iteitan. Sia iotek iteitan pwe sam me iin non ewe mwichefen repwe etiwa wiser ar repwe asukuna me pwäratä nongonong ekkewe kapas allim ngeni nour kewe semirit. Amo Kot epwe Efeiochk ngeni om kopwe achocho non ei wis mi wesewesen auchea" ("Porous seni ewe

Aewin Presetensi" *Family Home Evening Resource Book* [1983], iv).

Usun Semenapen famini, ewe sam a nemi ewe pwinin famini non imw. Non fansoun ewe sam ese nom, ewe iinap epwe wisen nemi. Sam me iin repwe wisen föri ika ewisa ngeni emon Chon ewe famini ar repwe wisen föri ewe pwinin famini. Repwe asukuna ewe nesen ika ngeni emon ekkewe semirit ra watteren ar repwe wisen asukun. Ir meinisin ion a watter epwe pwan wor an fansoun tufich ren an epwe pwan wor wisan non pwinin famini. Kukun semirit ra pwan tongeni aninis non sokkun an ren chieikön, nounou uwekisin seni pukfel, ponu weni kapas eis, Chon wisen komoch sasing ika nios, me einet möngö, me iotek.

Ew aurour ren tetenin pwinin famini non imw ikkei mi tetenitiw:

- Könun nepoputan (seni ewe famini)
- Iotekin nepoputan (seni emon Chon ewe famini)
- Aneani ekkewe uwekisin ika pukfel (seni emon Chon ewe famini)
- Nesen (seni ewe sam, iin, ika ewe watten semirit)
- Mokutukut (emwen seni emon Chon ewe famini me fiti meinisin Chon ewe famini repwe pachenong na fifiti)
- Könun nesoponon (seni ewe famini)
- Iotekin nesoponon (seni emon Chon ewe famini)
- Ekkewe möngö mi kawor

Ew famini ra tongeni efisi ar pwisin famini non chommong Sokkun an. Sokkun mokutukut epwe tongeni achu fengeni ewe famini, apochokuna ar tongei emon

me emon, me anisir ar repwe arap ngeni Samach won nang, me pesei ngenir ar repwe nonom wenechar epwe tongeni ewe pwinin famini non imw. Ekkoch anapanap ren sokkun mokutukut pachenong aneani ekkewe pukfel, poporous won ewe kapas allim, aporousa fengeni kapasen pwäratä. Föri ew angangen aninis, kökön fengen, no ngeni piknik, urumotan ew famini, me no kukunou neman. Ian meinisin pwinin famini non imw repwe apachanong iotek.

Nesenin pwinin famini non imw a tongeni anongonong won ekkewe pukfel, asukun seni soufosun ikenai, ren chok ewe mwichenap a katou; me an ekkoch pwisin sinei me kapasen pwäratä. Chommong nesen repwe tongeni nom won ewe uputiw, ekkewe asukun, me Achasefanin ewe Chon Amanau. *Nongonongen ewe Kapas Allim, Gospel Fundamentals, True to the Faith, Faniten Sarafo Repwe Pochokun*, me Porousen mwichefen a masou ren porous me ekkoch esinesin won chommong met epwe tongeni kinikinen nesenin pwinin famini non imw.

Ekkoch ekiek ren met epwe wor poporous won ren pwinin famini ikkei:

- Kokkotun manau ese much
- Ewe manau me asukunen Jises
- Aier
- Iotek
- Echikifen
- Tumunun niimochun inis
- An ewe Samon napanapen manauen fituk
- Ewe wewen sakrament

- Asoren ew na engon
- Kinisou
- Wenechar
- Nuokus Kot me sufoniti Förian kewe
- Ammonata ren paptais, efeiochn pristut, ika pupunu
- Amon ngeni tonong non ewe tempel
- Aneani ekkewe pukfel
- Oponueta ewe Raninfel an epwe Pin
- Omusono ekkoch
- Anapano me aporousa fengeni kapas-en pwäratä
- Aporousa ngeni ekkoch ewe kapas allim
- Ioni fengeni uruon famini
- Weweiti me etiwa mano
- Atawei an famini osukosuk
- Forun nounou noun famini mwoni
- Aninis fengen won an famini angangen non imw
- Kinisou me pwapwaiti kön

Ranin Pin me Fansoun mi Aueha

Ranin pin me Fansoun mi aueha, usun chok Krismas, Easter, Achechemen ewe ranin ewe niwinsefanin ekkewe pristut; mwichenap; Kasunon emon Chon ewe famini ren an angangen misin; ika ewe uputiw, paptais, ika seikita an emon Chon ew famini, a tongeni murinon ren fansoun tufich ren asukunen ewe ennetin ewe kapas allim.

Asorun ew na engon me Asor



Ewe Samon afen apasa non pochokunen an nemenem ngeni noun aramas pwe repwe nonomweni ewe annukun asorun ew na engon me repwe nimenimoch faniten ekkewe feioch mi fen pwon (nengeni Malachi 3:8–11).

Ew murinon fansoun ngeni sam me iin ar repwe aiti ewe annukun asorun ew na engon me asorun Echikifen fansoun ra monatiw pwisin ar. Semirit ra kaeo seni met ra kuna seni semer me iiner ren met ra föri ew ren asorun ew na engon ren misin, me repwe mwoni ar asorun ew na engon seni wiser mwoni meren iin me sam. Emon me emon semirit repwe wor unungat ar nenien isois mwoni, ew epwe faniten ewe ew na engon, ew faniten ewe angangen misin, iwe ew faniten nour ren mön met ra mochen. Iteitan emon semirit epwe wor noun mwoni epwe akom angei ew na engon wanong non ewe nenien ew na engon, iwe och epwe no ngeni ewe asorun angangen misin iwe nusun epwe tonong non nour ewe ren mön met ra mochen.

Nupwen semirit ra monatiw asorun ew na engon, sam me iin repwe aistir ar repwe amasowa ewe taropwen monatiw

asorun ew na engon, wanong non futo fiti ewe mwoni, iwe ngeni ika tinano ewe futo ngeni emon Chon ar we pisoprik ika pranch preseten. Famini ir ekkewe rese nom non wart ika pranch repwe ngeni ar asorun ew na engon ngeni nour Chon emwen me Chon emweni pristut.

Porous Atun Möngö

Atun möngö a tongeni fansoun mwirino ren fofos fengen usun ewe kapas allim. Kukkun semirit ra sani na kapas eis me ponueni kapas eis ren kapas allim. Fansoun rese sinei pönuen ewe kapas eis, ewe sam ika iin ra tongeni ngeni ekkis pönuen ar kapas eis me aitim ewe kapas allim. Esapw fansoun meinisin ren fansoun möngö epwe apachanong poporous won ewe kapas allim, nge usun chok ew porous fan ruu ika fan unungat non ew wik a tongeni anisi ewe famini ar repwe sinei ewe kapas allim.

Tutunap Fansoun Annut

Pokiten napengeni meinisin semirit ra sani ausening tutunap mwen ar repwene annut, ra awora ew murinon fansoun tongeni ren asukuna ewe kapas allim seni ar aporoussa ika anea tutunap seni ekkewe pukufenin mwichefen a kawor, ika pwisin an emon tutunap usun non manauer. Tutunap usun wenechar, ika aea fengen, me kirokiroch ra asukuna auchean nongonongen ewe kapas allim.

Angang Fengen

Chommong fansoun tufichin tongeni ren asukunen ewe kapas allim a wor nupwen famini ra chufengen na angang fetan ren imwer kewe. Fansoun nimenim ren ekkewe imw ika angang non ar



kewe atake me nukun imwer, awewe, sam me iin repwe moneta ren ekkei fansoun tufich na kapas usun ewe kapas allim. Fan ekkoch emon semirit epwe kapas eis. Ururun, iteitan sam me iin repwe awora fansoun na pönuweni non kapas mecheres, memef iei usun, “Ka menn emon angang murino ua ennetin nuku pwe Samach won Nang afen pwapwa ren.” ika “Nengeni ekkewe kuchu mi fakkun ningoch Samach won Nang a fen förata” a tongeni ngeni semirit ar memefin kinisou ngeni Samach won Nang me ewe ennet nukunuk pwe I a wesewesen ennet.

Mwichen Famini



Sam me iin repwe achufengeni Chon ewe famini non ew mwichen famini. Famini ra tongeni aea ei mwichen famini ar repwe föri met an famini mochen,

atawei an famini osukosuk, poporus won nounoun mwoni, föri kokkot, anisi me apochokuna emon me emon na pwäratä kapasen pwäratä, me iotek ren emon me emon. Ew mwich a tongeni fis inet chok ra mochen. Sam me iin ra tongeni efisi ew an famini mwich ren ew me ew Raninfel ika non pwinin famini non imw, sufeniti ren ekkewe ekkiek me memef an ekkoch a namot ngeni ewe ponutan mwichen famini.

Kapas eis ika poporous nefinen aramas Non Monomon



Chommong sam me iin ra kuna pwe kapas eis ika poporous nefinen ekkewe iin me sam me emon me emon ekkewe semirit non monomon iteitan a tongeni anisir ar repwe kan ngeni nour kewe semirit, apochokuna, me aitir ewe kapas allim. Kakapas fengen ika kapas eis nefinen ekkewe iin me sam me emon me emon ekkewe semirit epwe ew fansoun epwe napanapoch non wesewesen epwe fan chommong an epwe fifis.

Emon in ika sam epwe awewei an tong ren me nukunuk non ewe semirit, me ewe semirit epwe wor an fansoun tufichin awewei an (atewe) Ika an

(neminewe) memef usun ekkewe mettoch, osukosuk, ika an sinei. Ewe sam me ewe semirit repwe mochen iotek fengen. Osukosuk mei fisita seni ewe kapas eis ika poporous fengen nefinen ekkewe in me sam me emon me emon ekkewe semirit ewe a pachenong ekkoch Chon famini ra tongeni atawei non ar pwini famini non imw non nan mwirin.

Mokutukutun Famini

Sam me iin repwe akkota fansoun iteitan ren an epwe wor an ewe unusan famini repwe angang fengen na föri ekkewe mettoch. Piknik, kukkunou fetan, angangen famini. Angangen non imw me angangen nukun imw, tukken, kunou neman, me unusen ren ekkoch kachito me ekkoch aurur ren ekkoch seni chommong mokutukut ewe famini repwe tongeni pwapwaiti fengen meinisin.

Ew famini ra pwapwa fengen repwe mefi watten tong me tipeew. Semirit repwe watteno ar mochen ar repwe ausening ngeni semer me iiner me fiti ar aurour fansoun ra mefi ar kan ngeni. sam me iin repwe tufichin aitir ewe kapas allim iteitan.



Wisən Ekkewe Pristut



Ewe misin an ewe Samon ewe mwichefen epwe anisi meinisin aramas repwe feito ren Kraist. Famini ra tongeni aninis ne awesano ei misin usun ra:

1. Awora ekkewe osupwangen pwisin ngunur me inisir me aninis ngeni ne awora osupwangen ekkoch.
2. Nounou ewe kapas allim ngeni ekkoch.
3. Nengeni pwe Chon ewe famini repwe angei pwisin annukun tempel me awora ekkei feioch faniten ar ekkewe neo ra fen mano.

Osupwangen Ngun me Osupwangen Inis

Osupwangen Ngun

Ewe kinikin akkomw me non ei puken emwen. "Asukuna ewe Kapas Allim

non ewe Imw," a masou ren porousen won usun an famini repwe tongeni awora ren met osupwangen ngunur.

Osupwangen Inis

Famini repwe anongonong won pwisin ir iwe ra tongeni awora ar pwisin osupwang ren pwisin inisir me anisi ekkoch. Om kopwe pwisin anongonong won pwisin en, Chon famini repwe tongeni mochen achocho angang. Angang mi ngeni inis, me ren ekiekich, ika tongenien ewe ngun. Iei anen awesinon förutan mettoch, pwapwa, om epinukunukun netipom, me nonomum ren pekin mwoni. Sam me iin repwe atures ngeni ar repwe pwisin anongonong wor me aiti nour kewe semirit repwe pwan usun chok. Ar repwe pwisin anongonong wor repwe tongeni anisir ar repwe anisi ekkewe ra osupwang.

Sam wiser repwe awora met kewe mi namot ngeni manau me epetin feiengaw ngeni an we famini. Akkaewin wisen inenap repwe tumunu nour kewe semirit. Sam me iin repwe nengeni pwe ewe famini mi nom non imw mi nimenimoch unus aner möngö, ufer, pekin safe me pekin tumunun ngir; pekin tufichin sukun, aurour non pekin tumunun mwoni, kaeo ngeni usun ar repwe ataken aner pwisin möngö. Sam me iin repwe aiti nour kewe semirit ifan usun ar repwe föri aner möngö me ifan usun ar repwe isois ren möngön mwirin.

Sam me iin repwe tongeni angang weires ngeni ar repwe awora ren ekkei osupwangen inisir; “Me kosapw eriaffou noum semirit resapw echik, ika senne-no” (Mosiah 4:14) Sam me iin repwe kokkot ne amonata ngeni ar repwe awo-ra osupwangen ar famini non fansoun apwangpwang; kiteter, ese angang, ika ekkoich weires. Ika ewe sam afen osukosuk ren an epwe awora ekkei osupwangen ewe inis non an famini me ika ekkoich Chon ewe famini rese tongeni aninis, epwe tongeni kutt aninis seni souemwenin pristut.

Semirit ra tongeni awora ekkei osupwangen inisi ren ar famini ren ar repwe anisi semer me iiner non ar angang; kaeo öch non sokun, tumunun ufer me ekkoich pisek, tumunu nimenimen inisir me imwer kewe an epwe nimenimoch me kokotech me tumunu pochokunen inis.

Chon ewe famini repwe awatteno ar tufichin anea, mak, me föri sokkun aritime-tik, me repwe anamota ar kewe fansoun tufichin kaeo me anapano ar sinei. Repwe aneasochis ewe Kapas Emirit me möngö, möngö mi öch ngeni pochokunen inis. Ian a tufich me ian famini repwe

isois ukukkun möngön möngön ew ier ren ar isois, ika ukukkun ar tongeni ren sokkun pisek repwe tongeni manau seni. Chon ewe Famini repwe föröchu pwe resapw nom non niwinimang ren ekkei mettoch ese namot. Isois ren mwach kan; föri meinis wisen kewe, aea öch kosapw aea sonap ngeni ekkei pisek me möngö möngö ika sokkun mettoch.

Sam me iin repwe aiti nour kewe semirit ngeni ar repwe aea ngeni ekkoich. Arapakan meinis ra tongeni ngeni mettoch; ese pwan nifinifin ifan ukukkun mi wor rer. Ew anen aninis ngeni ekkei ir mi osupwang epwe iei Echikifen ew me ew maram me fess non ewe asoren Echikifen, ewe ra nounou ne amwöngöni ekkei mi echik; aimweimwa ekkei ese wor imwer, aufoufa ekkei mi seneno, angasano ekkei mi weires. Sia pwärano ach tong faniten ewe Samon fansoun sa anisi ekkoich. I a apasa; “Non ukukkun usun met ka fen föri ngeni emon pwi kei mi kisikis ka pwan föri ngeni ei” (Matthew 25:40).

Nounou Fengen ewe Kapas Allim



Ewe Samon seni Noun kewe soufos ikelai ra asukuna pwe meinis Chon ewe mwichefen wisen repwe afanafana ewe

kapas allim ngeni ekkoch. Wisen meinisin aramas ekkewe rafen esinesin ngeni ar repwe esine ngeni Chon arun (D&C 88:81). Alma emon soufos non ewe Puken Mormon, a awewei pwe fansoun sa paptais sipwe tongeni ne utta usun Chon pwäratän usun Kot non fansoun meinisin me mettoch meinisin me non neni meinisin (Mosiah 18:9).

Chon ewe famini repwe föri meinisin ukukkun ar tongeni ne anisi aramaser kewe, chiechier me aramasen unukur ne kaeo usun ewe kapas allimen Jises Kraist me ekkewe feioch epwe tongeni wor non manauer., Sam me in me nour kewe semirit ra tongeni apochokuna ar pwisin kapasen pwäratä me watto ew feiochun ewe kapas allim ngeni ekkoch,ren ar repwe afanafana ewe kapas allim: famini ra tongeni:

- Emon Chon apuru murino ren apouetan meinisin ekkewe annuk (nengeni Matthew 5:16)
- Kopwe kinisou ren ar Chon non ewe mwichefen (nengeni Romans 1:16) me asine ngeni ekkoch aramas repwe sinei pwe ra Chon ei mwichefen.
- Eis ren ami oupwe sinei fengeni kemi ika re mochen ar repwe sinei fichi usun ewe mwichefen.
- Tingorei ewe Samon epwe anisi ne fini emon seni ewe famini ika emon ewe a fen moneta ngeni an epwe ausening ewe kapas allim.
- Esine ngeni ewe famini ika emon ngeni ewe mwichefen non ekkoch an, ren akkökör ngeni pwinin famini non imw ika ngeni mwichen fän ika mokutukutun; ngenir puken fän ika taropwen mwichefen ren ar repwe

anea, ika porous ngenir usun ekkewe feiochun ewe kapas allim.

- Tingorei ewe famini ika emon ngeni non imwer kewe ar repwe asukun ren ekkewe misineri.

Sam me in a wor wiser ar repwe amonata pwisin ir me nour kewe semirit ngeni ar repwe angang ren unusen fansoun misin. Ren amonen ekkewe semirit, aka ewin ekkewe at, sam me in repwe asukuna ewe kapas allim non ewe imw, awora enmean pwisin me an famini kaeo kewe uokisin me iotek; me porous iteitän usun ekkewe wis me feiochun afanafan fengeni ewe kapas allim. Ra tongeni asukuna ngeni nour kewe semirit ar repwe isois mwoni ren misin, angang weires, kopwe pwisin anongonong wom, me tongei me anisi ekkoch aramas.

Ekkewe Pwisin Annukun Tempel ren ekkewe Mi Manau me ekkewe ra Mano



Non tempel ekkewe mi nimenimoch Chon ewe mwichefen ra angei ekkewe pwisin annukun mi pin me tonong non

ewe pwon ngeni Kot. Ra pwan fifiti pwisin annukun angang non tempel ren ekkewe neo ra mano. Ian a tufich me ia, sam me in repwe emon me emon angei echo taropwen mumutan tonong non tempel seni nour souemwenin pristut me no ngeni tempel ar repwe angei ar pwisin annukun non tempel. Ika rese tongeni no ngeni tempel, repwe nonom non nimenimoch ngeni ewe taropwen tonong non tempel.

Famini a wor wiser mi pin ngeni ar repwe anetata pwe pwisin annukun tempel ra efisi ren ar kewe neo ra mano nge rese angei ekkewe pwisin annukun tempel. Chon mwichefen ekkewe ra angei ar pwisin efeioch repwe niwin ngeni ewe tempel usun fan chommong, usun ren wewen, me tufichin mumuta ngeni

tempel efisi efeiochn ekkewe pwisin annuk ren ar kewe neuo.

Sam me iin repwe ioni taropwen makken fansoun ren met mi fis non manauer me non manauen nour kewe semirit, pachenong setifiketin efeioch, paptais, sikita, apupunu, me mano, taropwe auchea, sasing, sinpung mi fichitiw, me ekkoch pisek. Repwe pwisin ionifengen ar pwisin uruo me repwe apochokuna emon me emon Chon ewe famini ar repwe pwisin anomu ar pwisin uruo. Repwe anisi ekkewe kukkun semirit ne poputani ar pwisin uruo won inisir.

Famini repwe ioni porousen usun ar kewe neuo me ioni uruon famini. Repwe poputa ne ioni fengeni porousen won ar kewe ruanu tettenin kinikinin aramas ewe mi chok kan.

Mwichen Kaeo ren Nouwis



Fan emwenien ewe steik, misin, ika souemwenin tischrik, pristut me kinikinin mwichen aninis ar repwe aiti sam me iin ar repwe wewe me föri ekkewe unungat popun wisen famini. (nengeni peich 12–15). Souemwenin pristut repwe aiti sam me iin usun ar repwe emweni ar kewe famini. Ika ew famini e nomw non ekkewe neni mi imuno, steik, misin, ika souemwenin tischrik repwe tumunu pwe iin me sam mi kaeo me aponueta wiser kewe.

Famini pwan eu Mwichefen



Ekkoch famini re nomw non ekkewe neni mi imuno rese tongeni fiti iteitān mwichen wart me pranch. *Ren mumuta seni ewe steik, misin, ika presetenin tischrik*, ekkoch famini repwe efisi fan non imwer. Non ekkewe kinikin ese wor imwen fān ian, famini repwe angei ar mumuta seni ewe Presetenin Kinikin.

Ewe sam ika emon mi wor ren ewe pristut epwe amonata me efeioch ewe möngön futuk ika pwe ii mi nimenimoch, ii emon pris non ewe Pristut seni Are ika mi wor ren ewe melkisetek Pristut, *me mi wor mumuta seni noun we souemwenin pristut*. Ekkoch ekkewe pristut repwe pwan pasini ewe sakrament. Kapasen aurour me efeiochn ewe sakrament a nom non ei puken emwen won peich 21–23.

Fenin Raninfel epwe chok mecheres, mosonoson, menin. Epwe wor:

1. Könun Nepoputan
2. Iotekin Nepoputan
3. Efeiochn me pasin ewe Sakrament
4. Ew ika fitu me nein ekkei mettoch fan:

- Ew ika Ru afanafan ika kapasen pwäratä
- Anea pukfel me poporous an famini
- Ew nesen seni emon Chon ewe famini

5. Könun nesoponon
6. Iotekin nesoponon

Non kokkotun angangen Fenin Raninfel, sam me iin repwe kutta me fiti ew emwenin ewe Ngunun ewe Samon.

Ekkewe aramas non ewe Puken Mormon ra awora ew minen appiru ren ei sokkun aninis, "Iwe, ar angangen mwichefen ponueta me ren ewe mwichefen me mwirin ar föri ekkewe angangen pekin ngun, me pwan ren manamanen ewe Ngun mi Fel epwe emwenir non ar afanafan are amokutu netiper pwe repwe iotek, are mwareiti, are, kön are föri ekki mettoch meinisin sia apasata." (Moroni 6:9).

Ewe famini repwe nounou ekkewe pukfel pwe nour nongonongen emwen. Pwan pacheta, ra tongeni nounou ekkewe afanafanen *Gospel Fundamentals, Nongonongen ewe Kapas Allim, True to the Faith, Faniten Sarafo Repwe Pochokun*, noun misineri puk, makisinin mwichefen, me ekkoch mi för seni mwichefen me minen katon me rongorong seni ewe mwichefen.

Ika ese wor emon non ewe famini mi wor ren ewe sokkun pristut, ewe sam

ika iin repwe achufengeni Chon ewe famini pwe repwe kön, anea ekkewe pukfel, iotek, me achu neffiner me nefiner ngeni Sam won Nang. Noun ewe famini we souemwenin pristut mi kefinita ren an epwe otta iteitan fansoun tufich ren an famini repwe angei ewe sakrament.

Epwe wor an ekkewe sam me iin moku-tukut non ranin wik, usun ren kukunou neman, piknik, kachito, kunou ren aramaser, urumot, prokram ren pekin kön ika nikitikitik, me tukken.

Famini repwe ngeni ewe souemwenin pristut ar asorun ew na engon me asoren echikipin, me pwan ekkoch ar aninis.

Ewe famini ese wanong taropwen porouser ngeni ewe mwichefen, nge nour we souemwenin pristut mi kefinita epwe kapas eis ika poporous ngeni ewe sam iteitan, eisini epwe aporoussa usun ewe famini. Ian a tufich me ian, ewe souemwen epwe föri ekki won tefon.

Pwisin Annukun Pristut me Efeioch



Annukun Pristut Pwisin ra pin non napanapen a kawor seni ewe Samon me a fis seni ewe mumutan ewe pristut ren echikara, akinamwe, me apochokuna netip. Pwich kewe ra föri pwisin annuk me efeioch repwe amonata inisir ren ar repwe manaueni usun ewe nongonongen ewe kapas allim me atures ngeni an epwe emwen ren Ngun mi Fel.

Repwe föri ew me ew pwisin annukun me efeioch non ew napanapen sufon me angei fiti ekkewe ekkoch mi afat ren kaworen ewe pwisin annuk:

1. Föri non itan Jises Kraist.
2. För seni ewe mumuta seni ewe pristut.
3. För fiti ekkewe sokkun tetenin angang, ren nounoun kapas mi afatafat ika aean ewe oinen efeioch.

4. Mumuta seni ewe souemwenin pristut ewe a wor ren ewe kii, ika mi namot.

Ekkewe Pwisin Annukun mi auchea emon souemwenin pristut an epwe awora mumutan ikkei eita me efeioch semirit, föri paptais me apungaano, efeiochn pristut me seikitan pristut ngeni wis, me efeiocchu me pasini sakrament, me efeiochn peias.

Nupwen ekkoch pwich kewe ra fiti ew angangen efeioch me pwisin annuk, emon me emon neir epwe wata poun we peniefefin won peniemwanin afaren emon pwir kewe mwan. Ewe napanapen akokou chomong Chon wor rer ewe pristut ren ar repwe aninis ese wor chengenin.

Ekkewe Pwisin annuk me feioch ra awe-wetiwi non ei sopun epwe anisi sam ne angang usun semenapen non an famini.

Aita me Efeiochu Semirit



Meinisin Chon ewe Mwichefenin Kraist a wor nour semirit ar repwe uweato ngeni ekkewe elter me mwen ren ewe fan, ekkewe repwe watta pour wor non iten Jises Kraist, me efeiochr non itan (nengeni D&C 20:70) Non kapungunon fiti ei pwäratä, ren chok ekkewe mwan mi nimenimoch ekkewe ra komoch ne wiseni ewe Melkisetek Pristut epwe pachenong ne fiti ne aita me efeioch semirit. *Ewe efeiochn me aita semirit a kawor mumuta seni ewe souemwenin mwich.*

Fansoun efeiochn emon monukön, ek-kewe mwan ekkewe a wor rer ewe wis Melkisetek Pristut repwe ioifengen non kukumos me omochu ewe semirit non pour. Fanosun efeioch ewe semirit a watte, repwe chok apana pour ne watta won mokuren ewe semirit. Ei aramas ii ewe emon a föri ewe efeioch:

1. Akokkoi Samach won Nang.
2. Apasa pwe ewe efeioch a fis seni ewe mumutan Melkisetek Pristut.
3. Eita ewe semirit.
4. Ngeni ewe feiochun pristut usun ewe ngun a emweni.
5. Esipano non itan Jises Kraist.

Paptais



Fan emwenin ew souemwenin mwich, emon pris mi nimenimoch ika emon mwan ewe a wor ren ewe Melkisetek Pristut a tongeni föri paptais. I epwe föri iwe:

1. Utta non ewe könik fiti ewe aramas epwe paptaisi.
2. Ren mecheresin me tumunun, ewe aramas epwe paptais epwe kamoch pounwe peniefichin ngeni peniengawan we iwe epwe kamoch peniengawen poun ewe Chon föri ewe paptais ngeni peniefefin.
3. Eitieta poumanin poum ngeni ewe epek
4. Apasata unusen iten ewe aramas iwe apasa, "Seni ewe mumutan an Jises Kraist, Ngang ua paptaisuk fan iten ewe Sam me ewe Nau, me ewe Ngun mi Fel. Amen" (nengeni D&C 20:73).
5. Ewe aramas epwe pinei potun ngeni poun we peniefichin ren an epwe mecheres; ewe emon epwe föri ewe paptais poun mwanin epwe nom nukunupen ewe aramas me amonoi unusen ewe aramas, pachenong ufen ewe aramas.
6. Anisi ewe aramas epwe tota seni ewe könik.

Ruemon pris ika mwan ion a wor ren ewe wis Melkisetek Pristut epwe Chon pwäratä an epwe anetata pwe mi fisioch ren pungun. Ewe paptais ewe eniwin sefan ika ekkewe kapas rese apasa usun chok met mi kawor non D&C 20:73 ika pwe kinikinin inisin ewe aramas ika ufan ese unusen mono fan könik. Ewe aramas epwe paptais me ewe aramas epwe föri ewe efeiochn pwisin annuk repwe ufouf uf mi pwech ese pwano nupwen ra choChon.

Apungano



Minafon Chon mwichefen ekkewe ra ier tiu ika watte seni me ekkewe ra wanu ier ekkewe semer me iner rese Chon mwichefen meRuemon ra kapunguno non ewe mwichen sakrament (nengeni D&C 20:41). Semirit wanu ier repwe tongeni mwitir kapunguno mwirin ewe paptais ikewe a fis ian ewe paptais ika emon chok nein ekkewe sam me iin a Chon ewe mwichefen me ir me Ruemon sam me iin repwe ngeni mumuta ren

ewe paptais me kapungunon. *Fan emwewian ewe pranch preseten*, emon ika chom-mong mwan ekkewe a wor rer ewe wis-en Melkisetek Pristut a tongeni föri ei efeioch. Ra watta pour kewe ne apana won mokuran ewe aramas. Ewe emon a föri ewe efeioch:

1. Apasata unusen itan ewe aramas.
2. Apasata pwe ewe efeioch pwisin annuk a för seni ewe mumutan Melkisetek Pristut.
3. Apungano pwe ewe aramas emon Chon Ewe Mwichefenin Jises Kraist ren Aramas mi Pin non ranin soponon.
4. Atun ewe nifangen ewe Ngun mi Fel seni an apasa "Angei ewe nifangen Ngun mi Fel"
5. Ngeni ewe efeiochn pristut usun ewe ngun a emweni.
6. Asopano non itan Jises Kraist.

Efeioch Ngeni ewe Pristut me Sikita ngeni Ofesin Pristut



Ewe pisop ika pranch preseten epwe nengeni me emweni ewe mwichen ewe Pristut seni Aar me ewe sikita ngeni ewe ofesin tiken, sense, me prist. Me mwen an emon

aramas epwe sikita ngeni ew ofes non ewe Pristut seni Aar, epwe akom angangen kapas eis nefinen ewe aramas ike ekkewe aramas me ewe pisop ika presetenin ewe pranch me epwe kuna pwe i mi nimenimoch, pwan, i epwe tongeni kefinita non ew pranch ren sakrament mwich. Fiti an ewe presetenin pranch mumuta, emon pris epwe efeioch ngeni ew pristut seni Aar won emon aramas me sikita i ngeni ofesin Pristut seni Aar.

Ewe presetenin steik ika misin epwe nengen me emweni ewe mwichen ekkewe Melkisetek Pristut me seikita ngeni ewe ofesin elter prist tekia.

Ngeni efeiochn ekkewe pristut ika sikita emon aramas ngeni ewe ofesin pristut. Emon ika chommong mwan ekkewe a wor rer ewe wisen pristut me ekkewe ra fen mumuta seni ewe a nemeni ewe mwich ra watta pour an epwe chok pan won mokuran ewe aramas. Ewe emon a föri ewe efeioch:

1. Akkokoi ewe aramas ngeni unusen itan.
2. Apasa ewe mumuta (Melkisetek pristut ika Aronik Pristut) seni ewe seikita afen för.
3. Efeioch ekkewe Aronik ika Melkisetek Pristut ren chok ika pwe afen katou me akkomw.
4. Seikita ewe aramas ngeni ewe ofesin Pristut seni Aaronik ika Melkisetek pristut me ngenir ewe pung, manaman, Pochokun, me mumutan ewe ofes.
5. Ngeni efeiochn emon pristut usun ewe ngun a emweni.
6. Asopano non itan Jises Kraist.

Sakrament



Ewe sakrament a men pin ren annukun. Fansoun angei ewe sakrament a awora tufichin ach sipwe chechemeni ewe manau, asukun, me Achasefanin Jises Kraist. Iei ewe fansoun sipwe asofö sefani ekkewe pwon a för me ren ewe Samon ren ewe fansoun paptais (nengen Mosiah 18:8–10).

Sense me pris repwe amonata ewe sakrament; Pris repwe efeioch; me tiken, sense me pris repwe pasini. Pwuch kewe ra wiseni ewe Melkisetek Pristut repwe amonata, ne efeioch. Me pasini ewe sakrament non chok fansoun chok an ese naf ekkewe Pristut seni Aaronik. Ika pwe emon aramas a föri ew watten tipis, I esap ammonata, efeioch, ika pasini ewe sakrament tori an epwe aier me apungano ewe föfö ren nour presetenin pranch.

Ekkewe ra amonata, efeioch ika pasini ewe sakrament ra föri ei efeioch ngeni ekkoch won itan ewe Samon. Emon me emon ewe a wiseni ewe pristut repwe angei ei sikining fiti mosonoson non napanapan. I epwe murinno nimenimen inisin, nimenimoch, me ufoufech. Napanapen me nimenimen emon me emon won inisin epwe pwäätä usun pinin ewe pwisin annukun efeioch.

Pwich kewe ra amonata ewe sakrament repwe föri me mwen ewe mwich epwe poputa. Repwe wattiw ekkewe pinewa mi ese kinikinitiw non opong mi nimenimoch wanong kapen sakrament mi masou ren könik mi minafu, wata won ewe chepen. Repwe aponano ewe pinawa me könik ngeni och mangaku mi pwech.

Fansoun ewe könun sakrament, ekkewe ren ewe chepenin sakrament repwe omokutu ewe makak seni ewe pinewa me atakisetiwi ewe pinewa. Mwirin ewe kön, ewe aramas ewe a efeioch ewe pinewa epwe fotopukutiwi iwe a iotekini ewe sakrament ren ewe pineua. Pwich kewe ra asawa ewe pinewa ngeni ekkewe mi nom non ar mosonoson me föföroch. Ewe Chon nemeni ewe mwich fansoun ewe mwich epwe angei ewe sakrament akkom. Fansoun meinisin mi nom ra tongeni ne angei ewe pineua, ekkewe ra pasini me eniwini ewe nenian pinewa ngeni ewe chepenin sakrament. Ekkewe ra efeiochu ewe sakrament repwe ponu sefani ewe nenian pinewa mwitir chok ren ewe pineua afen wes me asaw.

Ekkewe ren ewe chepenin sakrament repwe angei ewe mangak seni ewe nenian könik. Ewe aramas ewe epwe efeiochu ewe könik epwe fotopukutiwi me awora ewe iotekin sakrament ren ewe könik. Pwich repwe pasini ewe könik ngeni ekkewe ra nom remi. Ewe opong epwe niwin ngeni ewe chepenin sakrament me opon sefan. Pwich ewe a efeiochu me pasini ewe sakrament epwe motesefanitiwi non nenian nein Chon ewe mwich.

Ewe sakrament a ngeni Chon mwichefen, pachenong semirit. Ewe aramas a wisan ateten non ewe mwich esapw apioni pwe epwe pas ngeni memper chok esor epwe fis ren an epwe aueno

ekewe rese muo Choni ewe mwichefen seni ar repwe möngö ewe sakrament.

Ewe ioteken sakrament repwe apasa ren fatafataochun, pungun, me fiti sufon. Ika ewe aramas ewe a efeiochu ewe sakrament a föri won mwan non an kewe kapas me ese apunguano ren pwisin i, ewe presetenin pranch epwe tingorei an epwe eniwini sefani ewe iotek me aworra ren pungun.

Ewe iotek won ewe pinewa ikkei:

“O Kot Samach mi napanap, sia tingor ngonuk fan iten Noum we Jises Kraist, om kopwene efeiochu me epinano ei pinewa ngeni aionen meinisin ekkewe ra ani, pwe repwe ani achechemenien inisin Noum we, me pwäratä ngonuk, O Kot, Samach mi Napanap, pwe ra mochen ar repwe angei o chechemeni iten Noum we fansoun meinisin, me föri an kewe annuk a ngeni ir, pwe Ngunun epwe nonom rer. Amen” (nengeni D&C 20:77 me Moroni 4).

Ewe iotek won ewe könik a apasa:

O Kot, Samach mi Napanap, sia tingor ngonuk fan iten Noum we Jises Kraist om kopwene efeiochu me epinano ei könik ngeni aionen meinisin ekkewe ra unumi, pwe repwe unumi pwe achechemenien chaan Noum we, asurutiw rer; pwe repwe pwäratä ngonuk, O Kot, Samach mi Napanap, pwe ir mi chechemeni I fansoun meinisin, pwe Ngunun epwe nonom rer. Amen” (nengeni D&C 20:79 me Moroni 5.)

Ewe chepenin sakrament epwe mwitir chok nimenimoch seni won ewe chepen murin ewe mwich. Nusun pinewa a tongeni aea ren möngö.

Efeiolchu me pasini ewe sakrament a wor kaowren an epwe mumuta seni ewe Chon nemeni ewe mwich.

Efeiochun ewe Oin

Emon mwan (ika chommong) ewe a wiseni ewe Melkisetek Pristut aea ewe oinen olive mi nimenimoch ewe mi pin epwe aea ren popun aean ren ekkewe mi samau ika osuiosuk non inisin. Ewe emon a wisen nini ewe oilen efeioch mi pin:

1. Kamoch ew nenian olive oin mi suk.
2. Kokkori Samach won Nang.
3. Apasa pwe i a angang ren ewe mumuta seni ewe mwichen ewe Melkisetek pristut.
4. Efeioch ngeni ewe oin (esap ew neni-an) me apungano ren efeioch ewe mi samau me osukosuk inisin.
5. Asopano non itan Jises Kraist



Angang Ngeni ewe mi Samau

Mwan chok ewe a wiseni ewe Melkisetek pristut a tongeni efeioch ika angang ngeni ewe mi samau ika osuk-suk an ekkiek me inisin. Afen, ruomen

ika chommong ra efeioch fengenir, nge emon epwe föri ren an epwe akananon. Ika ewe oinen efeioch ewe wor, emon mwan ewe a wiseni ewe Melkisetek pristut epwe ngeni efeioch seni ewe mumutan ewe pristut.

Emon sam ewe a wiseni ewe Melkisetek Pristut epwe efeioch ewe mi samau seni Chon an we famini. I epwe tingorei emon mwan ew a wiseni ewe Melkisetek Pristut epwe anisi.

Angang ngeni ewe mi samau a ruu kinkikin (1) Efeioch ngeni Oin me (2) Efeiochn ewe ririfengen.

Efeioch ngeni ewe Oin

Emon mwan ewe a wiseni ewe Melkisetek Pristut a efeioch ngeni ewe aramas mi samau. Ren an epwe föri:

1. Watta ew chi ewe oinmi pin won mokuran ewe aramas.
2. Wata poum won mokuran ewe aramas kopwe chok apana poun me apasa unusen iten ewe aramas.
3. Apasa pwe ka efeioch ewe aramas ren ewe mumutan Melkisetek Pristut.
4. Apasa pwe ii a kepit ewe oil ewe a fen kawor faniten epitipin me efeiochn ekkewe mi samwau me Efeioch ngeni ewe oin me apungano ren efeioch ewe mi samau me osukosuken inisin.
5. Asopano non itan Jises Kraist

Rieno ewe Epitipin

Iteitan ruemon ika chommong mwan ekkewe ra wiseni ewe Melkisetek Pristut repwe anomu pour won mokuran ewe aramas non ar repwe chok apana pour won ewe mi samau. Emon ekkewe

mwan epwe riemo ewe epitipin. An epwe föri, i:

1. Kori ewe aramas ren unusen itan.
2. Pwäratä pwe i a riri me kepit ewe oin mi pin seni ewe mwichen Melkisetek Pristut.
3. Ngeni Efeiochn usun ewe Ngun mi Pin a emweni.
4. Asopano non itan Jises Kraist

Efeioch seni ewe Sam me Ekkoch Efeiochun akinamwe me Aninis



An Sam efeioch me Ekkoch efeiochn pristut ra kawor an epwe awora emwen me akinamwe usun a emwen ren ewe ngunu pin.

Emon sam a wiseni ewe Melkisetek Pristut epwe awora ewe an sam ewe efeioch ngeni noun semirit. Usun chok efeioch epwe kön aninisochn fansoun ekewe semirit repwene no seni imwer, usun non fiti sukun ika no ngeni misi-on, ika fansoun ra poputa angang, pupunu, tonong non angangen soufiu, ika churi sokkun weires rese moneta ngeni. Ekkei efeioch a tongeni watten apochokunen ew famini. Ew famini a tongeni

makketiw an ewe sam efeioch ren an ewe famini rekot, nge esapw nonom non rekotun mwichefen. Sam me iin repwe apochokuna nour kewe semirit ar repwe angei ewe efeioch seni ewe sam non fansoun ra mochen.

Mwan mi nimenimoch ekewe ra wiseni ewe Melkisetek Pristut repwe pwan föri efeiochn kinamwe me anisi ngeni punuwer ngeni Chon ar kewe famini, me ekkei ekewe ra tingorer.

Ren an sam epwe awora ewe efeioch ika ekkei efeiochn akinamwe me aninis, emon mwan epwe wiseni ewe Melkisetek Pristut ika mo afen akana-mon ika fiti emon ika chommong mwan ra nimenimoch a wiseni ewe Melkisetek Pristut ren iseta pour won mokurean ew aramas ren an epwe chok pan ren ewe aramas epwe angei efeioch. Ese pwan namot ewe oin ren ekkei sokkun efeioch. Ewe emon a föri efeioch:

1. Kori ngeni ewe aramas unusen itan.
2. Pwäratä pwe i a ngeni ewe efeioch seni mumuta seni ewe mwichen ewe Melkisetek Pristut.
3. Ngeni efeioch usun ewe Ngunu pin a emweni.
4. Asopano non itan Jises Kraist.

Efeiochun Ekkei Peias

Emon aramas ew a efeioch ewe peias epwe wiseni ewe wis Melkisetek Pristut me *epwe angei mumuta seni ewe nouwisin pristut ewe a poporous non ewe mwich.*

Föri efeiochn ewe peias:

1. Akkokoi Samach won Nang.

2. Pwäratä pwe i a efeioch ewe peias seni ewe mumutan ewe Melkisetek Pristut.
3. Efeioch me epinono ewe nenien peias usun ewe nenian asoso ren inisin ewe a mano.
4. Ian echungeni, iotek pwe ewe neni epwe pin me tumun tori fansoun Manau sefan.
5. Tingori ewe Samon epwe akinawei ewe famini me awewei ekkoch ekki-ek usun ewe ngun a emweni.
6. Asopano non itan Jises Kraist.
Ika ewe famini ra fini emon aramas (fini emon mwan ewe a wiseni ewe Melkisetek Pristut) epwe awora ew iotekin unukun ewe peias nap seni ew iotekin efeioch.

Kaworen Pisekin mwichefen me Kutten Porousen Uruon Famini

Pwisin nouch souemwen me ekkoch Chon mwichefen repwe awora pisekin mwichefen, pachenong pukfel, anen ka-
eo. Makesinen mwichefen, uf, me ufou-
fen non tempel , seni an mwichefen ne-
nien inetau ika nenian angang seni Salt
Lake Distribution Center, ika seni ewe

ofesin mwichefen Internet Site, ewe a
nom ren www.lds.org.

Porousen won uruon an famini angang
a tufich won ewe uruon famini ren ewe
Mwichefen Internet Site ewe a nom ren
www.familysearch.org.

EWE MWICHEFENIN
JISES KRAIST
REN ARAMAS MI PIN NON
FANSOUN SOPONON

CHUUKESI



4 0231180901 1

31180 901 1